


**Sang President  
Henry B. Eyring**  
Sounsawas Keieu nan  
Presidensi Keieu



# Peneinei kan oh Kapakap

**E**hu pako, ni ei mwohd limwahn ahn ahi pahpao pehto nihpwongo, e soaiahda duwen ansou me e tikitiko. E koasoihda duwen limpoak en ah pahpa oh nohno nan ansou apwal oko oh duwen limpoak en Semeo Nanleng oh Sounkomouro. I wehwehki me e pahn mehkilahr cancer, eri e sohte kapwuriamei ongie ekei pak eh kin doaloapene ah pepehm kan me pid Semeo Nanleng oh limpoak oh kadek en ah pahpa en sampaho. Ahi pahpau kin kalap nda me ni ansou me e kin kapakap, e kin lemehieng me e kak kilang nan ah madamadau sirein Sahmo Nanleng.

Ah pahpa oh nohno padahkiheng ih sang ni ara karasaras en kapakap duwehte e koasoaieng Koht oh me Koht pahn ketin sapeng ah kapakap ni limpoak. E anahne karasaraso lel ni imwi. Ansou me medeko kin ukla, se kin diar ih nimenseng ah kin kilikilipwiki limwahn pehto. E inenen luwetalahr oh sohla kak pein pwurehng doudahng pohn pehto. E ndahng kiht me e kin wie kapakap pwe en peki rehn Semeo Nanleng dahme e nohn alehkihi loko- lok laud ni eh kin kalap songosong wia dahme mwahu. E nda me pasapeng mwahu ehu kohdohng: “Koht ketin kupwurki sapwellimaniki mwahnakapw eimah.”

Oh ih eri nantihong lel imwi, koapwoaroapwoarki me Koht ketin poakohng ih, kin ketin karonge ih, oh pahn kakehlailiada. E alehdi kapai en mwadang esehla oh en dehpa manokehla me emen Koht me limpoak karanih ih duwehte ehu kapakap.

Ih me kahrehda Kauno ketin kamarainieki pahpa oh nohno, “Oh ira pahn pil kasukuhlieki neira seri kan ren

kin kapakap, oh kin wiewia mwahu mwohn sihlangin Kauno (D&C 68:28).

Rongamwahu en Sises Kraiso kapwurupwurdohr—iangahki Pwuhken Mormon oh kih kan koaros en priesthood me kin katengepene peneinei kan—pwehki Joseph Smith ni eh wia pwutak pwulopwul men kin kapakap ni pwoson. E alehdi pwosono sang nan peneinei me limpoak oh loaloapwoat.

Sounpar rieisek samwalahro Kauno ketikiheng kaweid ong peneinei kan nan “Peneinei: Kalohk Ehu Ong Sampah” sang Presidensi Keieu oh Pwihn en Wahnparon Ehk-Riemeno: “Pwopwoud oh peneinei kan me pweida kin poahsoanda oh epwelda sang ni koasoandi kan en pwoson, kapakap, kohluhla, mahk, wahu, limpoak, poakehla; doadoahk oh kamwadong mwahu kan.”<sup>1</sup>

Kitail anahne wia kaping kalahngan mwuledek ong peneinein Soukohp Joseph Smith pwehki eh epwelda nan soangen mouro. Ah peneineio wia kaidehnte karasaras en pwoson oh kapakap ahpw pil iangahki koluhla, mahk, wahu, limpoak, kadek oh poakehla, doadoahk, oh kamwadong mwahu kan.

Dihen mwurimw kan kak kapaikinuhkada karasaras en kapakap nan ahmw peneinei. Ke mwein sohte pahn kairada emen ladu wad en Koht, ahpw ke kak sang ni ahmw kapakap akan oh karasaras en loaloapwoat sewese Kauno Sises Kraiso kairada tohnpadahk mwahu oh kesempwal.

Sang nan mehkoaros me kumwail pahn pilada wia pwehn sewesehki Kauno, kapakap anahne en wia poahsoane. Mie soangen aramas me, ni ansou me re kin

kapakap, kin kamarainihda mehteikan pwe ren pehdpe-seng oh kilang ihs mwo. Kumwail kak wiahla soangen aramaso.

Medewe ia mwomwen eh pahn kak sewese irail akan me iang kilipwiki nan amwail kapakap nan peneinei. Ansou me re kin kehn me ke koasoaieng Koht ni pwoson, arail pwoson pahn laudla pwe ren pil kak koasoaieng Koht. Ni ansou me kumwail kin kapingkiheng Koht kapai kan me irail ese me pweidahr, arail pwoson pahn laudla ni arail ese me Koht poakohng irail oh me E kin ketin sapeng amwail kapakap akan oh pahn ketin kupwureirail. Mwo kak wiawi nan kapakap en peneinei ihte ansou me kumwail wiahier nan pein amwail kapakap, ehu ehu ansou.

I pil alialehte kapai sang pahpa men oh nohno men me kin koasoaieng Koht. Ara karasaras en kehlail en kapakap nan peneinei kan pil wie kapakapiahda dih kan me kohdo mwurira.

Nei seri ko oh neirail seri ko kin aliale kapai rahn koaros sang ni karasaras en ahi nohno oh pahpa. Pwoson me Koht limpoako kin ketin karonge oh sapeng pil peuslahng-irailehr Kumwail kak wiahda songen kapai wet nan amwail peneinei. I kapakapki me kumwail pahn wia.

#### IREN SAWAS

1. "Peneinei: Kalohk Ehu ong Sampah," *Liahona*, Nohpembe 2010, 129.

#### KAWAWIH KERIEISEK EN PAHREN KALOHK ONG PENEINEI

"Peneinei: Kalohk Ehu Ong Sampah" padahngki koasoandi mehlel oh pwung kan me kesempwal ansouet duwehte ni eh tepin kasansalada ni Septembe 23, 1995. Medewe lukehdo emen emen aramas akan de peneinei me kumwail kin padahki ren iang kawawih ke-rieisek en sounpar en kalohko ni:

1. Ntingiedi kosondi mwahu oh mehlel kan me audaudkihda me mie wehwe kesempwal ong irail. (Tehk duwen President Eyring eh kin wia met ni kapakap nan padahk me sansal powe).
2. Koasoakoasoia duwen ehu ehu kosondi mwahu kak kapairailda rahn wet oh ehu rahn.
3. Koasonehdi ni pisetik mwomwen ahmw pahn doadoahngki kosondi pwung oh mwahu kan nan ahmw mour oh ehukihong mehteikan.

## ME PWULOPWUL KAN

### Kin Doadoahngki Kapakap

President Eyring kin padahngki me ahmw peneinei kak alehdi kapai sang ni ahmw ehueig Sahmo Nanleng ni kehlail. Kumwail kak kalaudehla amwail ehuieng lh sang ni kakairada amwail kapakap akan! let ekei wiepe me kumwail kak wia pwehn pweida:

Mwohn amwail tapiada amwail kapakap, medewe mahs ekis ansou dahme kumwail pahn kosoia. Medewe kalelapak kan me kumwail ele ahniki de soahng kan me kumwail kin pwunpwunodki—kumwail kak pil ntingiedi pwe kumwail en dehr monokehla. Pil doadoahngki ansou kiset oh kamwakelehda amwail madamadau sang ni kedirepw en rahn wet pwe kumwail en kak kehn pepehm meleilei en Ngehn Sarawi. Ma amwail madamadau mwur uhla ekis wasa ni ansou me ke kapakap, song medewe me Sahmo Nanleng ketin karokaronge. Koaso ni pisetik. Pil, awih minit kei mwurin ahmw kapakap pwe ken rong pepehm kan en Ngehno. Kumwail kak ntingiedi amwail pepehm kan nan noumwail pwuhk kan.

Tamataman me kapakap wia ehu soangen doadoahk, eri ke dehr pwunodiki ma kaiahn anahn de e mwomwen apwal. Amwail ngong en kapakap kak seweseikumwail karaniale Koht oh pahn kapaiada dihen mwuhr kan.

## SERI KAN

### Ehu Mehn Kataman Kapakap

President Eyring padahngki me e kesempwal kumwail patehng amwail peneinei oh kapakap. Ke kak wia ehu karasaras ong ahmw peneinei sang kapakap rahn koaros. Ke pil kak katamaniong amwail peneinei en patpene kapakap rahn koaros Tamataman ire wet sang pil ehu padahk sang President Eyring: "Sahm Nanleng kin ketin karonge ahmw kapakap akan. E ketin poakohng uhk. E ketin mwahngih ahmw tungol ahd" ("Koudiahl Pepeuslahte," *Liahona*, Nohpembe 2014, 73). Ntingihdi ire wet nan ehu kisin doaropwe de tehn doaropwe oh kihdi wasa me amwail peneinei unsek kak kilang. Met ke kak ansou koaros tamataman me Sahmo Nanleng ketin kupwurki karongehsanguhk!



# Doadoahk Sarawih kan en Sises Krai: Kehlail Direkihla Lingan

*Onop ni kapakap dipwisou wet oh rapahki ken wehwehki dahme ke pahn kepinwarki. Ia duwen wehwehki doadoahk sarawi kan en Sounkomouro eh pahn kalaudehla ahmw pwoson Ih oh kapatada irail kan me ke kin tetehk sang ni padahk en pas? Ong iren kapehse kapatapat, tehk reliefsociety.lds.org.*

Pwoson, Peneinei, Sawas

*Met wia kisehn kahng en Iren Mahsen en Padahk en Pas kan me pid doadoahk sarawi en Sounkomouro.*

**P**wuhk sarawi kan padahkihong kitail me Sises Krai “ketin alehdi manaman koaros, nanleng oh pohn sampah, oh lingan en Sahmo iang ih” (D&C 93:17). Elder M. Russell Ballard sang Pwihn en Wahnpaaron Ekh-Riemeno mahsanih me sang manaman wet atail Soundoro kapikada lahng kan oh sampah, ketin wia doadoahk kopwuriamwei kan, oh ketin powehdi medek en Gethsemene oh Calvary.<sup>1</sup> Ni atail wehwehkihla met, atail pwoson Krai pahn keirda, oh kitail pahn kehlaila.

Ni atail kin wia oh kolokol inou kan nan tehnpas sarawi, Kauno kin ketin kapaiekinkitailda Sapwellime manaman. Linda K. Burton, President en Pwihnen Sawas en Lih, koasoia: “Kolokol inou kin kakehlailiala, kihkiheng manaman, oh doandoare. . . . I ahpwtehn tuhwong emen kem-poakepahi me kapw. E wiahki ah kadehde me mwurin eh alehdi ah

kapai nan tehnpas sarawj, e kehn eh kehlailkihla kak en powehdi kasongosong kan.”<sup>2</sup>

Nepi kadehdehki duwen manaman en inou: “Ngei, Nepi, kilang-ada manaman en Sihmpwul en Koht, me ketidhido . . . rehn aramas en inou en Kauno”, . . . oh irail teh-tehki pwung oh manaman en Koht ni lingan kouahlap (1 Nepi 14:14).

## **Pwuhk Sarawi Kapatapat kan**

Seremaia 51:15; Kaudiahl 1:6; Jacob 4:6–7; Mosiah 3:17

## **Sang Pwuhk Sarawi kan**

Ni eh ketin direkihla eh poakehla Martha oh Mary, Sises Krai ketin kamaurada riaru pwutak Lazarus sang ni manaman en Koht me E ketin sapwellimanki.

Sises ahpw ketin lella ni ihmwen Martha oh Mary mwurin Lazarus eh patopatohkiher nan sousou rahn pahieu. Irail eri ketla ni ahn Lazarus sousou, oh Sises eri mahsanih me takai me perepere wenihmw en sousou en kemwekidsang. Sises mahsanih ong Martha, “I seu

ndahionguhkehr, me, ma ke sohte pahn kamehlele, ke sohte pahn kilang lingan en Koht?” Ih eri kapakap ong Koht Sahmo oh “mahsanih ni ngihl laud, Lazarus, pidohido.

“Oh ohl melahro ahpw pidohido, peh oh neh ko kidikidkipene likoun nan sousou.” (Tehk Sohn 11:1–45). Soundoro doadoahngki Sapwellime manaman pwehn ketin kamwakelehkinkitail oh ketikiheng kitail manaman. Atail pwoson Ih pahn keirda ni atail pahn tamataman me E ketin sapwellimaniki manaman oh lingan unsek.

## **IREN SAWAS AKAN**

1. Tehk M. Russell Ballard, “This Is My Work and My Glory,” *Liahona*, Mei 2013, 18.
2. Linda K. Burton, “The Power, Joy, and Love of Covenant Keeping,” *Liahona*, Nohpembe 2013, 111.

## **Medewe Met**

Ia duwen manaman en Koht eh kin ketikiheng kitail manaman oh lingan?